

The Ohio State University



3 2435 05268060 0

OHIO STATE UNIVERSITY BOOK DEPOSITORY



8 08 06 30 7 06 014



LIBRARY  
OHIO STATE UNIVERSITY

Bas belâlati

# باش بلالری

اوج یرده

منظوم

---

یازان : آقسرائ مبعوثی  
بسم آتالای

آتقره ، جیه جی

---

استانبول — نجم استقبال مطبعه سی

۱۹۲۶







# باش بلالری

اوج برده

منظوم

یازان : آقسرائ مبعوثی

سیم آتالای

آنقره ، جیهجی

## A NOTE TO THE READER:

Because of its value and condition,  
this volume has been microfilmed to  
preserve its content.

Please check the Libraries' catalog  
for location of a copy of that  
microform.

Thank you, 3/4/1993  
The Preservation Office DG



PL 248  
A87 B3  
1926

<u>دوغرو</u>	<u>يا كادش</u>	<u>سطر</u>	<u>صحيفه</u>
قاتاريم	قاريم	۲	۲۱
به	به	۳	۲۱
سويله به مختار	سويله مختار	۱۳	۳۰

يېرمنجى صحيفه ده كى [۱۷] نجى مصراع اون آلتنجى اولاجق،  
اون آلتنجى مصراع ده اون يدنجى مصراعك يرينه كتيريله جكدرد.





آقسرائ مبعوثی  
بسم آتالی



## شخصیات

قائم مقام — اشقودرہ لی بایرام زہدی [ زوطی ]

تحصیل مأموری — دبرہ لی زینل کیشو [ کشنی ]

تحصیلدار — ایلباصانلی شعبان افندی دراغا .

مالدیری — شاملی عبدالاحد شلاس . .

زاندارمہ چاویچی — چرکس عبوق چاویش .

تحریرات کاتبی ، کوی امامی ، کوی مختاری ، کوی کاهیاپی ، کویلو قادین  
وکلینی ، امامک اوغلو ، چالغیچی اورتاقاریسی . .

بوتیاترونک موضوعی اولان وقعه [ انور پاشا ] سفر برلکمنده


غربی آناطولونک ٹوکسوز بر قضااسنده جریان ایتمشدر .

بکا بووقعه یی آغلایارق — ازمیر تجارلرندن همشهریم — محمد

فؤاد بك آکلاتمشدی . بووسیله ایله کرک فؤاد بکی وکرک باصیلماستی

تشویق ایدن تربیه بدنیه جی م . سامی بکی خاطر لامایی بر بورج ییلیورم .

ب . آ





## برجی برده

کویلو کلینی — نیننی یاوریم نیننی، کو کده ییلدیزلار —

یومدی کوزلرینی اویوقلار کبی . .

نیننی ، نیننی ، نیننی

اویو یاوریم نیننی

نیننی ، نیننی ، نیننی

بویو یاوریم نیننی ! . .

نیننی اوزاقلاردن کلەن ایشیققلر —

سوندی کو کولده کی اومودلار کبی . .

نیننی ، نیننی ، نیننی .

نیننی قوزوم نیننی !

نیننی ، نیننی ، نیننی .

ایکی کوزوم نیننی

☆

نیننی کورپه قوزوم آغلامه نیننی ! .

سەنک آغلاما که یورەك دایانماز . .

نیننی ، نیننی ، نیننی



او یودایم سنی . .  
 نیننی ، نیننی ، نیننی  
 بو یودایم سنی . .  
 نیننی کوزوم تاڭ یرلری آغاردی  
 سن او یوماڭ ، قارا بختیم اویانماز . .  
 نیننی ، نیننی ، نیننی  
 نیننی جیجیم نیننی .  
 نیننی نیننی ، نیننی !  
 بر جیکیم نیننی ..!



شیمدی صباح اولاجق ؛  
 او یومادی یومور جاق .  
 کوزمی ده گدی عجباً !؟  
 کهل ولی نک آیشابا [ عائشه آبا ]  
 دون کورمشدی چوجوغی .  
 یوقدی ماوی بونجوغی . .  
 همان کوزی طوقامش ،  
 قاری ده نه یامامش ،  
 آه ! . نه یلسهم بیله مهم . .  
 باری قورشون دو کدورسهم . .



پاره ایستر اوکاده

قالق باقالیم ، قالق آنا ! [ اویویان قایین آناسنه ]

ن آناسی — نه وار قیزم [ کوزلرینی اوغوشدورارق ]

— نه اولسون ! .

کیفی قاجدی چوجوغک .

کوزلرینی یوممادی . .

ایگیلتی نک هیچ آردی . —

که سیلمدی . . خاستادر . .

ن آناسی — او یله ایسه باق ، قالدیر ! .

— ایواه چوجوق آتاشلی . .

— براوزهرلک یاقمالی

— کوز ، چوق ایره کوزه له .

— بردوش کوردم ، قیز دیگله !

— دیگله یورم ، خیر اولسون !

— باغچه ده کی او ، اوزون —

چیتله مبکک اوستونه —

بیلیم ناصیل ، اوچ دانه

ایری یاری ایت حیقمش . .

یووالری هپ ییقمش . .

برده یاورى بوغولمش .

قان ایچنده ، آنا قوش —



چیرپینیردی ، جوشاردی .  
 دالدن داله قوشاردی —  
 دیرکن برده اوزاقدان —  
 بابا ییکیت ، او ، آرسلان —  
 قوجهك قوشدی ، ایریشدی .  
 گه برتمکه گیریشدی —

کوپه کلری . . اولدوردی .  
 قوشيك یوزین گولیدردی .  
 نه یه دالداك ، دوشونداك [ وضعیتی دکیشدیرمرك ]  
 — خایر ! . . اوکی دوشوگك —

کلینی

چوق قورقولو ، چوق فنا ،  
 — خیر قیلا حق مولا ! . .

قا . .

— ایکی کوندر پک یامان —

کلینی

کوزوم سهیریر دورمادان ! .  
 برشی وار آ باقالیم . .  
 نه کوسته ریر اللهیم ؟ .

— اوخ ! . نه یانیق سس کلیر —

قا . .

اوزاقلردن . دیکله بر ! . [ قوال چالینیر ]

— قوال سسی ،

کلینی

— نه قویغون ! .

قا . .

— چوبان یینه پک جوشغون . . [ بر مدت دیکله رلر ]

کلینی



ایکنجی مجلس

- قا . . — آیشا [ عائشه ] قاپی وورولدی ! .
- قا . . — کیمدر !؟
- کلینی — بزم کوك طوطوا . [ قاپی یه وارارق ]
- قا . . — نه یه کلمش ؟ کیرسه یا . .
- کلینی — بویوریکیز ! [ قادین کیره ر ]
- کوك طوطو — فاطما بلا ! — [ فاطمه آبلا ]
- یارین بزم تارلاده —
- سوکوله جك کوك وارده —
- اوکا ایرغاد آرام ؟ .
- بولامادم ، برطاقیم
- چولوق ، چوجوق ، اختیار .
- قا . . — اونلر ایشمی یاپارلر .
- کنجمی قالدی کویلرده .
- کلینی — هر بریسی بر یرده . .
- قا . . — بن ایرغادلق ایدیم
- کلینی — سن طورده بن کیدهیم . .
- قا . . — چوجوق خاسته ؛ اولاماز . .
- راحت ایتدیر سن بر آزا ! .



نهویریرسین باقیم

کونلو کیمه ؟ ! .

کوک طوطو — سن یاریم —

کونده لکله کیده رسهک —

کوتورورم آنجاق بن .

قا . . — پکی ! آجیز ، کیده رم .

چالیشمازده نیده رم .

کوک باقیردر ، یر ده میر .

کلینی — کیمدن اومود بکله نیر ؟ .

کوک طوطو — قالق کیده لیم ، وقتیدر .

قا . . — سن چوجوغه باق ، نه مزیر . .

بکله بر آز هله طور [ بردنبره آیاقده دونه رک ]

خوجه فهندی [ خوجه افندی ] کلیور .

کلینی — بویور خوجه افندی [ آياغه قالقارق ]

قا . . — سنی الله کوندردی . .

کلینی — چوجوق خاستا !

قا . . — آمان بر —

ییلدیزینه باقیویر ! .

خوجه — موژدهم واردر قیزسکا [ قوجه قاری یه خطابله ]

نهویریرسین سن بکا ؟ .



قا . .

— نه ویریم ؟ نه بولوب ؟ .

خوجه

— قاج آیلردر برمکتوب —

آلماشده اوغلیکدن . [قادینلر آغلامایه باشلارلر]

ایشته مکتوب ! . آغلاماڭ ! .

[ مکتوب او قونویور ]

خوجه

— اولا خاطر شریفکزی —

استفسار ایدهرم اگرچه بزی —

سؤال ایدهرسه کز صاغز ، سالمز .

یوقدر کدریمز ، ائی حالیمز . .

بن چاناق قالده اوچ یارا آلدیم ،

أولدم ، یاتاقدہ اون بش کون قالدیم

هرکیجه یاپاردیم سونیکو هجومی

دوشماندن آلیردم بول بول اوجیمی .

[ مصطفی کمالدر ] بزه قوماندان

آدینی دویونجه تیره یور دوشمان .

دونه رسم صاغ ، نه سهن بن اویمزه

نهلر آکلادیرم ، باق نهلر سزه . .

أوپرم آلندن آنه جیکمک ،

بش وقت نامازده دعالر ایتسین .

بزم کول دوکانه سلام ایدهرم [ یعنی قاریسه ]

خوشجه طوتسون نه می یوریمی بنم !



كسمه ييك آرديني مكتوبكيزك  
باقی جمله كزده سـلامـلر اولسون .

— خوجهم جواب يازيوير .

— اويله ايسه پاره وير ! .

— پارهـم اولسه ويريردم .

ايكى كوندري بريديلم —

قوروا كمك ايله بز —

كچينيرز ايكيـمز . .

بوكون اوده توكهـندي . .

— آمان خوجه افندي

قارلا كزده پاراسز —

چاليشيم ، يالـيـكـز —

برجواب ياز حسنه ...

— برده موسـقا اوغلـانه . .

— پكى !. اولان مصطفى [ اوراده بولونان چوجوغنه ]

قوش اوده كي ايرافه .

قارا قابلي بركتاب قويـمـشـيدـم آلده كل ! .

ييلديزني گودهيم ، سويله قادين سن اول ! .

آدى نهـدر چوجوغيك ؟ !. [ اسكى كوزليكنى طاقارق ]

— آدى طورسون !

— نه ؟ ! [ ايشيتمهـمـش كي ]

— طوزسون . .

قا . .

خوجه

قا . .

كليـنى

قا . .

خوجه

قا . .

خوجه

قا . .



- خوجه — سـنـك آدك بهـلـیدر [ گـنـیـنـه خـطـابـله ]  
 [ ع ] اوندرد ؛ الف بر . . .  
 خوجه نك چوجوغی — ایشته بابا ، بومیدر ؛  
 خوجه — بودر اوغلوم ،  
 قا . . . — گیر اوتور !  
 خوجه — شین سـاـقـطـدر ، ها بشدر .  
 [ طورسون ] ایسه اوتوز بر . . .  
 هپسی ده قرقیدی .  
 طوطو — نهلر بیلیر افندی .  
 قا . . . — بزم خوجه چوق دهرین .  
 کلینی — صوصیک کنه !  
 خوجه — دیکله ییک !  
 اوتوز آلتی چیقارسه  
 اون بر قالیر خلاصه . . .  
 اون برنجی باب دیمک  
 ییلدیزی گوده جک . . .  
 کوکلرده تام اوزاییکی — [ جدی برطور ایله ]  
 بورج بولونور ، هر هانکی —  
 چوجوق طوغسه ییلدیزی —  
 برلاک طوغار ، ها ! . بعضی —  
 ییلدیز دوشر کوکلردن —  
 مطلق واردر برئولهن . . .



- طوطو — حکمتندن صورولماز ..
- قا . . — سس چیقارما ، صوص بر آز ! .
- خوجه — بوچوجوغیک ییلدیزی —
- زخل بورجی ؛ برجادی —
- کوزی ایرمش چوجوغه .
- بن یازایم اوچ موسقا . .
- کلینی — کوزی چیقسین ، کور اولسون !
- خوجه — بریسنی اوچ یولک —
- آیردینه کومرسین ..
- هیچ باقاندن دونه رسین .
- بریسنی توتسوله
- اوزەر لیکله ، کونلکله . .
- بریسنی صبی نک —
- صاغ اومزینه دیکدرسین . .
- خوشجه قالیک ! . بن اوه [ خوجه قالقارق ]
- کیدییورم . به داهوه —
- یازامام ها موسقای ! .
- قازاجقسین تارلانی [ کلینه خطابله ]
- کلین — پکی خوجهم سنکچون —
- چالیشیرم اوچ دورت کون ! .





# ایکجی برده

بر راقی عالمی

تحصیل ماموری — چاقیشدیر به ایمانم !  
سر تحصیلدار — هی دردلره درمانم . .  
تحصیل ماموری — طورمایاسز ، ایچہسز . .  
سر تحصیلدار — جہلسین ، بر آاز چہیفکیز [ کیفکیز ]  
آہہموری ایچسہک آ . . [ ژاندارما چاویشنہ ]  
عہوق چاویش — ایچیورم عشقہک ! .

[ نورکو ]

تحصیل ماموری و سر تحصیلدار — دہبرہ لی حسن . . حسن  
کیجہمی جہجدک ؟  
حسن ! . راقیمی ایچدک ؟  
دہبرہ لی حسن  
کیجہمی جہجدک ؟  
مالدیری — یا افندی بویورون  
تحصیل ماموری — اولاسیز صاغ !



عَبوق چاویش — عشق اولسون .  
 تحصیلدار — جه چیکدی به [ کجیکدی ] قایماقام ،  
 عَبوق — کلیر شیمدی ، طور باقام . .  
 تحصیل مأمووی — وکت [ وقت ] داها ایرچه ندر .  
 مالمیری — والله یاقین او کلیر .

### نورکو — عریجه

مالمیری — یالل ، یالل ، یا . . . لل . . . یا . . . لل ! . . .  
 احرقت ، احرقت ، احرقت فوآدی !  
 یا لل ، یا لل . . . یا . . . لل . . . یا لل . . .  
 آه یا لل . . . یا لل . . . یا . . . لل .  
 احرقت فوآدی . .

تحصیل مأ . — آیاق سسی جه لیور .

تحصیلدار — قایماقادر —

عَبوق — هله طور !

تحصیلدار — بویور

قایماقام — — تینیا !

تحصیلدار و تحصیل مأموری — — تینیا تا ! . [ آرنا وودجه سلاملا شمع ]

مالمیری — قاضی نه رده عجبا ؟ ! .

قایماقام — « قاضی بو کون اوندی »

دیدم سکا ده مینده . .



ایشیمز وار بوجیجه [ کیجه ]

- تحصیل ما . — جوروشه لیم جیزلیجه .  
 مالدیری -- بق [ بك ] افندی بوقامی [ بوکی ] ناصیل اولسه باتاجق .  
 عبوق — هر طرفی جاتلادی ، صو آلیور ، ائی باق !  
 تحصیلدار — جوجوك ، بویوك اورویور .  
 قایماقام — چیم آرایور ، صوروپور ؟ .  
 مالدیری — حق کندی نسلی ده اوتانمادن صویوپور .  
 عبوق — صویق دکل یالیکز ، کوزینی ده اویوپور .  
 قایماقام — بز صویارسه ق حقمز .  
 مالدیری — تورقلردن [ تورکلردن ] اوج آلیرز .  
 قایماقام — بوجون بنم مستقل  
 بریوردم وار ،

مالدیری — ائی بیل !

آرتق عرب اویاندی . .

تحصیل ما — تورك قاننه بویاندی .

آرناوودلق به موری . .

تحصیلدار — هیدن چهدك توركلری . .

قایماقام — هی یاشاسین عربلر . .

مالدیری — یاشاسون به عیشقیبتار [ آرناود ]



- تحصیل مأ — چرچه سلرده یاشاسین .
- عبوق — آنخاز ، چه چهن ، آسه تین . .
- قایماقام — هپ برابر بویورون . .
- تحصیل مأ — دولانسین به
- تحصیلدار — — نور اولسون
- قایماقام — جهله لیم ایشیمزه : .
- مالمدیری — نه صویلادم [ سویلدم ] بن سزه ؟
- تام زمانی خارمانک .
- عبوق — جه بلری طولدورمانک . .
- قایماقام — بریاغمادر جیدیور .
- تحصیل مأ — چیم دوغرولق ایدیور !
- قایماقام — شو اعاشه ایشندن —
- بلکه [ بلچه ] یرمی چره بن —
- شکوا ایتدم . نه چیقدی . .
- مالمدیری — خلق اوصاندی و بیقدی —
- شکایتدن ، فریاددن . .
- تحصیلدار — نه کورهن وار، نه صوران !
- تحصیل مأ — خاچان یاباجق برایش . .
- دوشونمه لی چوق جه نیش . .
- عبوق — نهره دن باشلایالیم .
- مالمدیری — « یول پاراسی وصایم —

بقایاسی وار . . دیرز . .

تحصیلدار — چوی چوی تحصیل ایدرز. [ کوی، کوی ]

تحصیل ما — یاشایاسین به موری

قایماقام — چیم جهزه جك چویلری !؟

تحصیلدار — عبوقله بن جیده رم .

قایماقام — تشجرلر [ تشکرلر ] ایدرم .

مالمیری — آل باقالیم ،

قایماقام — — شرفنه ! .

تحصیل ما — بها اولماز بوجه یفه !

## ایکنجی مجلس

تحصیلدار — او، بویورون به آقا! [ قاپییه قوشارق ]

آرقاداشلر هانی یا ؟

[ یکی کلهن تحریرات کاتبنه خطاباً ]

تحریرات کاتبی — هپسی ده برابر —

قاریله کله جکلر .

قایماقام — برقاریمی جهله جك !؟

کاتب — برقاری یا . . نه ایبهك . .

عبوق — هانکی قاری ؟



کاتب — کل آیشا ! .

تحصیلدار — یاشا موری به یاشا . .

مالمدیری — ها . کلدیله

هپ بردن — بویورون !

قادین — کیجه لرکز خیر اولسون .

قایماقام — صاغ اول آیشا ؛ هپمز —

ممنون اولدیق سندن بز .

مالمدیری — آه فلقدن [ فلیکدن ] رکیجه

شالاجفز [ چالاجفز ]

عبوق — سن اوجکه — [ قادینه خطابله ]

برکی [ بر ایکی ] قدح ایچ هله !

تحصیل مأ — بر آرز سکا چه یف جهله . .

قایماقام — قالدق باقالیم راقی ویر ! .

قادین — پکی بکیم !

کاتب — هپ برهر —

چالغیجی — عافیتله ایچکز !

دانه داها ایچرز . [ قادینه خطابله ]

قادین — شکر اولسون ، بال اولسون [ صونارق ]

مالمدیری — مائشه ! . طورما ، همان ! . صون ! .

عبوق — طورما یاوریم طورما قات ! .

کاتب — برطرفدن سن ده آت [ قادینه ]

قادین — امر ایت بکیم قاریم . .

چیفته کوبهك آتازم . .

قایماقام — هی چالغیچی ، اویوما ! .

هانی سازك ، هانی یا : .

چالغیچی — بورده بکیم ، نه ایستهك ؟ ! .

عبوق — نه بیلیرسهك چال همهن ! .

مالمدیری — چال برعویون هواسی . .

کاتب — چال طورما نور اولاسی

[ ساز چالینهرق شو تورکو چاغیریلیر ]

چالغیچی — ده کیزه دالایم می [ قادین ده اوینامایه باشلار ]

بربالیق آلایم می ؟

آی طوغدی ، کونش باطدی

داها یالوارایم می ؟ .

قیز کوللو ، کوللوده ، کوللو .

پشمالی پوسکوللو . . .

دکیزه نالدم کچدم ،

بربالیق آلام ، کچدم .

قیز قوینو کدن طورونجی

خبرسنز چالدم کچدم .



قیز کوللو ، کوللوده ، کوللو  
پشتمالی پوسکوللو ..

قایماقام — چه کلک [ که کلک ] کبی سه-چیویر [ سه-کیویر ]  
[ قادینه ]

کاتب — صونام ، بزه کیم نه دیر ..  
عبوق — صالین ، اوینا ، دون ، یاوریم !  
مالمدیری — دون ، دنیایی یاقارم ..

[ تورکو و مقام دکشیر . ]

چالغیچی — کوپرولر یاپدیردم کلوب کچمکه .  
چشمه لر یاپدیردم صوین ایچمکه .  
صونام ، صونام ، صونام ..  
قول وقرار ایتدم آلوب قاجایه  
آه بوشه جلو له نمه بن آلام سنی .  
بن آلام سنی ، صونام  
صونام ، صونام ، صونام ..  
آرمودی دالنده بازار ایلدم  
قاشنه ، کوزینه نظر ایلدم .  
صونام ، صونام ، صونام .  
طوقسان شفتالی یه بازار ایلدم  
یا کیلمشده یوز آلمشم سودیکیم .

سودیکیم صونام ، که کلیم قارام .  
 قارام ، قارام ، قارام .  
 صونام ، صونام ، صونام ..

قایماقام — یورو ، قیردیر اوافقدان .  
 تحصیل ما — چک زولفکی یاناقدن ..  
 تحصیلدار — مملری ایرغالا !  
 کاتب — یاواش یاواش چالقالا ..

[ تورکو ده کیشیر ]

چالغیچی — قامای ووردم یره .  
 قامای ووردم یره ...  
 ییقلسین قانلی دهره  
 چاغیریک آنام کلسین ؟  
 چاغیریک آنام کلسین  
 بنم وطنم نیره ..

آمانیک طینغیر ، مینغیر ،  
 کلپور فینکیر ، مینکیر ..

آل قایادن آت بنی  
 آل قایادن آت بنی .  
 این آشاغی طوت بنی  
 آق کوبهکک آلتنده



آق کوبهك آلتندە  
صاللادە اویوت بی

آمانك طینغیر ، مینغیر  
کلیور فینکیر ، مینکیر .

— اوینا قیزم ، اوینا سن !	قایماقام
— دو کول ، سوزول : جلوہ لہن ..	تحصیلدار
— ئه کیل ، صاللا کوبه کی !	چالغیچی
— اوینا یشی نه ای ؟ !	مالمدیری
— [ تور کویہ دوامله ]	چالغیچی

قایا دی بی بکلہرم

» » »

وای بنم ئه مه کلرم .

ئه مه کیم بوشه کیتدی

» » »

صیزلایور که میکلم ..

آمانیک فینکیر ، مینکیر .

» » کلیور

— دوک صاحچلری به لیکه !

— آل ذیللری الیکه .

کاتب

عشق

تحصیلدار — آه .. بن بوجون [ بوکون ] یامانیم !

تحصیل ما — قات برداها ایمانیم ..

[ تورکو ده کیشیر ]

چالغیجی — ایرافلرده دستی

یووارلاندی دوشدی .

زمانه نك پوشتی

آرقاما دوشدی ..

دوشدی ، دوشدی ، دوشدی

دوشدی ، آمان دوشدی .

ایرافلرده آینا

قیز به کی صایما .

دوک زولفکی یانه

یاواش یاواش اوینا

اوینا ، اوینا ، اوینا

» » »

قایمانام — یاشا قیزم ، بیک یاشا ! .

کومور کوزلوم کول ، اوقشا ! .

مالمدیری — آئی طوتدیق قافای .

عبوق — چال ! .

ناتب — ده کیشدیر هوایی ! .

[ تورکو ده کیشیر ]



چالغیجی

— آیدین نه فله‌ری نهدن به‌لای اولور . آمانيك

چيفته طابانجه‌لی اینجه بللی اولور.. اوف.

دای ، دای ، دای ، دای ، دای ، دای ..!

» » » » » »

» » » » » »

آیدین نه فله‌ری نهدن به‌لای اولور . آمانيك !.

نه کلي مورچه پککلی ، کولاه اُکری اولور . اوف.

دای ، دای ، دای ، دای ، دای ، دای

» » » » » »

» » » » » »

عَبوق — او نه فله‌ر نهرده ؟.

مالديري — هربری برده‌رده

قايماقام — برطاغده ، بر تپه‌ده

تحصيل ما — بيك يرده ، بيك چه‌په‌ده [ جبهه‌ده ]

تحصيلدار — خارجانيلدی ،

مالديري — تورقلرك [ توركلرك ]

هپسی بردن که به‌رسین . .



## اوچىجى برده

- كوى اوپه سنده مختار — نه وار ، نه يوق شهرده ؟ [ امامه خطابله ]  
 بكجي — او قودى كمى جريده ؟!  
 خوجه — او قومادم ، فقط بن —  
 برشى طويدم كليركن .  
 كاهيا — ايميدر ؟  
 خوجه — چوق فنا !  
 اون بش يىللق بقايا —  
 يول پاره سى تماماً —  
 ايسته نيرمش كويلردن ..  
 مختار — يارديم ايده يارادان ..  
 خوجه — ئو كچه بزم بورادن  
 باشلاناجق ديديلر ..  
 بكجي — شيمدى كنجار هپ عسكر .  
 كيمدن پاره آلايم .  
 كاهيا — كويمزده برطاقيم —  
 ئوكسوز و طول قالمشدر .  
 خوجه — ناصيل ويركى آلينير ؟!  
 بلكه شيمدى كليرلر .



- مختار — حاضر لاییک سز بریر ! .  
 کاهیا — باشقا یره حاجت یوق . .  
 خوجه — بورده قالماز اونلر چوق . .  
 بکجی — بر آز تحصیل ایدرلر .  
 کاهیا — ییقیلرلر ، کیدرلر .

## ایکینجی مجلس

- بکجی — آیاق سسی ! [ قوشار ]  
 خوجه — — طور مختار ! ..  
 بکجی — ایشته کلدی تحصیلدار . .  
 مختار — یالکنز دکل ، اوچ کیشی . .  
 خوجه — به که ندم بوایشی . .  
 بکجی — قوشوڭ ، چه کییک آتلی  
 چایرلردن یوقاری ! .  
 کاهیا — بویورسونلر ایچری [ قاپیدن سسلنه رک ]  
 تحصیلدار — آج باقالیم دفتری ! . [ خوجه یه ]  
 خوجه — باش اوستونه کل هله ! .  
 تحصیل مأمو — ایشیمز چوق عجله . .

- عبوق — بوتون کویلر اوچ بش کون —  
ایچر سنده بوسبوتون —
- مختار — دولاشیلوب بیتجهك .  
— اویله ایسه بر بيمك  
اولسون یه ييك ، ديگله نيك ! .
- تحصيل ما — پك شدتلی امر وار —  
اون بش ییلمق نه قادار —  
یول پاره سی قالمشسه —
- بکچی — طوپلانا جق خلاصه . .  
— بزم کویك قاچ غروش —  
بقاسی . .
- مختار — نه دوتمش .  
تحصيل ما — باق تحصيلدار دفتره ! .  
تحصيلدار — تمام اوچیوز قرق لیره . .
- خوجه — ناصل تحصيل ایده لیم . .  
گاهیا — شیمدی کیمه کیده لیم . .
- مختار — نه پاره وار ، نه پول وار . .  
تحصيل ما — ابي دیکله هی مختار ! .
- عبوق — دوکه دوکه آلیرم [ سوزه آتیلارق ]  
تحصيلدار — بیراقامام بر سانتیم ! .



- تحصیل مامو — صیرا ایله چاغیریک ! .
- تحصیلدار — کویلو بوتون طوپلانسین ! .
- [ چاقیر اوغلی کهل ولی ! . ]
- خوجه — اوج ییل اولدی ئولهلی [ النده کی دفتردن ]
- تحصیل ما — او ئولمش سه هپسی ده
- ئولمدی یا . .
- تحصیلدار — — البتده —
- بر وارثی بولونور . .
- عقوق — هیچ کیمسه سی یوقیدر ؟ ! .
- مختار — یوقدر ، آوی سونمشدر .
- بکچی — ایشته بوردان کورونور . .
- تحصیل — صیغیر ، صیپا وداوار —
- وارمی ؟ . سویله مختار ! . .
- مختار — هیچ بر مالی قلمادی . .
- خوجه — ذاتاً یوقسول آدامدی . .
- تحصیلدار — پکی کلسین کور طاهر . [ دفتردن ]
- مختار — ایکی ییلدر فائبدر . .
- تحصیل ما — یوقی اونک قاریسی ؟ !
- خوجه — کچن کیجه یاریسی —
- ئولیورمش آنسرین .
- عقوق — نه بیراقدی بوقادین ؟ ! .

- کاھیا — اوج یاور یحییق بیر اقدی . .  
 تحصیلدار — یرہ باتسین اولادی . .  
 عبوق — بن مالی صورارم .  
 بکچی — مالی یوقدر .  
 مختار — — بر یاریم  
 تحصیل مأ — اوجکزی وار ایدی .  
 تحصیل مأ — طورما عبوق افندی !  
 طوغرو کیدوب اوه گیر . .  
 نہ بولورسہک آل ، کتیر !  
 تحصیلدار — نردہ کلسین گوک حسن !  
 خوجہ — حسن عسکر .  
 مختار — — چوق زمان —  
 اولدی کلوب چیقمادی . .  
 تحصیل مأ — باق آناسی ، آورادی —  
 یوقی اونک ، طورمایک . .  
 ووروک ، قیریک ، صورمایک . .  
 عبوق — ایشته بکیم کیتردم [ ائچری یہ کیرہرک ]  
 تحصیل مأ — نہ کتیردک ؟  
 عبوق — — بر کیلیم ،  
 بر یاتاقلہ ، بر یورغان ،  
 بر تنجرہ ، بر صاحان . .



باشقه بر شی یوغیمش . .	
— هپسی ایتمز یوزغروش . .	تحصیلدار
— کیلیم اسکی ، یاتاق پدس . .	تحصیل مأ
— یورغان چوروك ، صاحان ایس —	تحصیلدار
پاص ایچنده . .	
— — آلامام . .	تحصیل ما
— باشقه اشیا بول امام ! .	تحصیلدار
— اسقاط ایچون نه آلدك . [ خوجهیه ]	عشق
— دیمشدم یا بوقادین —	خوجه
کیمسه سزدی ، یوقسولدی . .	
— اوچ چوجوقلی بر طولدی . .	بکچی
— فضله بر شی آلامادیق . .	خوجه
— نه آلدیکسه دی چابیق ! .	تحصیل ما
— واللهی بك افندی ! .	خوجه
— برمرکی وار ایدی .	
— اونی قویدیق دورینه . .	
— صاندیکزمی ؟ .	تحصیلدار
— — یوق ! . یینه —	خوجه

چوجققره [ هافتالق

بر مجنده ] بیراقدیق . .

- مختار — اودونجیلق ایدرلر .
- کاهیا — کچینرلر ، کیدرلر .
- عبوق — دیمک ایجار ایتدیکنز . ؟
- خوجه — نهوت ! .
- تحصیل مأ — شیمدی اونی سز .
- مختار — بولدوریکز ، ایسترم ! .
- آج قلاجق اوچ یتیم ..
- تحصیلدار — هپسی بردن که بهرسین .
- عبوق — سز ، مرکبی کیتیریک ! .
- کاهیا — کلدی بکیم حسنک
- مائلهسی ..
- تحصیل مأ — بیراقیک ! .
- کیرسین چابیق ایچری ..
- قادین — نه چاغیردک بزلی ؟ [ ایکی قادین برلکده کلیرلر ]
- تحصیلدار — بشیوز غروش ایسترم ..
- قادین — بش پاره مز یوق بزم ..
- عبوق — لاف ایسته مه پاره بول ..
- تحصیل مأ — صات نه وارسه چووال ، چول !
- قادین — صاتیلاجق برمالیم
- اوله اکمک آئیردم ..



- تحصیل ما — سوزدیکله مهم به قادین !.
- عبوق — بک افندی بونلرک [ تحصیل مأمورینه ]  
أولرنده برتوفهک  
صاقلی ایمش ..
- تحصیل ما — نه دیمک ؟. [ حدتله ]
- تحصیلدار — کتیریکنز سلاخی !.
- کویلو کلینی — بک افندی واللهی  
حسنمدن یادکار !.
- تحصیل مأ — کیت آلده کل ، قالد مختار !.
- کلین — ویرمه اوئی کیمسهیه !
- عبوق — ویرمز میسک ؟.
- تحصیلدار — نه دییه ؟.
- کلین — قوجه مکدر .
- عبوق — کاراتا ! .
- تحصیل مأ — باق ییدیکی شوخلطه !.
- برچوجوق — کلدی آشک ، افندیم !.
- تحصیلدار — ها باقیا کیده لیم ..
- تحصیل ما — کتیره سز توفهکی .
- عبوق — آتارم ها کوتهکی [ قامچی بی کوستره رک ]
- کلین — آل سوره مهم توفهکه ..
- تحصیل مأ — باق شو آلیچاق کوپکه !.

کلین	— کوپك سنسین !.
تحصیل ما	— آل ، آل ، آل ! [ قامچیله وورارق ]
کلین	— وای اوموزم !
عروق	— که بهر ، قال !.
قادین	— قوپسون نه می قوللرک !.
تحصیلدار	— آل سکاده پیس قادین .
قادین	— وای اللهیم ، تولویون ..
تحصیل ما	— که بهر هسین به ملمون ..
خوجه	— عفو ایت بکیم ؟
مختار	— چیقالیم !.
کاها	= ها مرکه باقالیم .. [ چیقارلر ]

### [ اوچنجی مجلس ]

قاین آناسی =	قالق آغلاما ، قالق قیزم ! .
کلینی =	اوموزمده چوق صیزم ،
	چوق آغسیم وار . قالقامام ..
قاین آناسی =	نه او ، قان وار ، طورباقام !.
کلینی	— قانی دیدک ؟ . نهرمدن ..
قاین آناسی =	چو جوقده کی بهرمدن ..



کلینی = ایواه باشی یاریلمش . [ باییلیر ]

قاین آناسی = قاندن کفن صاریلش ..

[ آغلایارق آلدی قاین آناسی ]

§

أللك قوروسون حقدن بولاسی .

بوکورپه قوزودن نه ایستیوردك !؟ .

قارارتدك اویمی یوزلر قاراسی .

بوکورپه الخ .

§

یر دهمیر ، كوك باقیر کیمه کیدهیم ..

شاشیردم کندیمی بیلمهم نیدهیم .

جانیمی یولکده قوربان ایدهیم .

بوکورپه الخ ....

§

قاباندی کوکلك اك صوك دیله کی ! .

آل قانه بویانمش کوزلر بیه کی ..

آل وارماز قیرمایه تازہ چییچه کی ..

بوکورپه الخ .

§

قیردك قانادیمی ، قولیمی بىم ..  
 قایب ایتدك صاغیمی صولیمی بىم ..  
 نه دیدك ئولدوردك اوغلیمی بىم .  
 بوكورپه الخ ..

§

[ کلین طوپلانا ق آلیر ]

§

آلیردم یاوریمی قوزغونه ، قورده .  
 قدرسىز باشیمی کوله می صاندك ؟  
 حسنىم دویارده شو ئوکسوز یورده .  
 برکون اولور بیلیم کله می صاندك ..

§

اوجان طورئالردن ، نەسەن یەللردن ،  
 آچیلمادن صولان غنجه کلردن ،  
 یاوریمك ئولدیکن عجب ایللردن  
 باباسی بر صالیق آلامی صاندك ..

§

آ غلاتدك کوزیمك بیه کین آلوب .  
 سن تورکەن قیزی دزدلره صالوب  
 ارکه کسز دیارده کیمسه سز بولوب  
 قولاغی کوپەلی کوله می صاندك ؟

§



حسنم گلزسە طانىق اول تا گريم .  
 مەھمەدك ئوجنى كندىم آليرم .  
 آند ايتدم آللهه ييرنمە ياوريم .  
 سن آهى يرلردە قلامى صاندك

§

گولدم يىللردر درد دن ، تاسادن ،  
 قدرسز ياراتمش بزی يارادن .  
 بور ما يىيقلرين سوديکيم حسن  
 کوزيمک ياشنى سيله مى صاندك ؟  
 ( صوڭ )







## فیئاتی ۱۵ غروشد

### باشقه اثرلر

- ۱ — مرعش تاریخ و جغرافیاسی باصلمشدر
- ۲ — تورك بویوكلری و یاخود تورك آدلری »
- ۳ — توكود »
- ۴ — بكتاشیلک و ادبیاتی »
- ۵ — تاك دستانی »

### ( باصیلماش اثرلری )

ایچ ایل تاریخ و جغرافیاسی ، آقسرائ و نیکده حوالیسی تاریخ  
و جغرافیاسی ، جونک — ملی شعرلر . .



محل توزیمی : استانبول « سودی کتابخانهسی »

LIBRARY  
OHIO STATE UNIVERSITY



BAS BELALARI - ATALAY

PL248 A87B3 1926

